



07. november 2019

UKA 2019/211
Aqqalu C.Jerimiassen

Kalaallit qimmiata aammalu qimussersuartoqartarneratalu qanoq ililluni kulturikkut piujuartinneqarsinnaaneri pillugit Naalakkersuisut misissueqqullugit peqquneqarnissaannik inatsisartut aalajangiiffigisassaatus siunnersuut. Susasaqartut peqatigalugit misissuineq ingerlanneqassaaq, misis-suinerlu inatsisartunut agguanneqarumaarluni.

(Inatsisartunut ilaasortaq Doris J. Jensen, Siumut)

Qimuttuninguna qimmeqarluniuna nuannersorsuaq, meeraangallarninni eqqaamasagaara qimmerpannguagut qanoq inuttaminnut ataqqinnikkaangamik nuannertartiginersaq pingalugit.

Meeraanermilumi qimussimik sukkanniunnermi peqataalluni angusaqarluni misigisaq tassaavoq tamani tulluusimaarnarnerpaaq, siulliungaanni kingulliungaanniluunniit.

Uanga nammineq 2005-imi qimmeeruppunga, eqqaamasinnaaqaaralu qanoq misigissuseq ajortiginersaq, pequtaasunilu annersaangunarpooq, taamanikkut naalakkersuisuusut siuttorisata qalerallineq Ilulissaniik Qasigiannuanut nuutsimmangu suliffissaqartitsiniaanerooq pillugu, qalerallit perlukui qimminut nerisassiarineqartartut Royal Greenlandimik pissarsiassaajunnaarma qimmeqarneq akitsupiloorujussuarmat, qimmit nerisassai assigiinngitsut nunanit allaneersut pisiarisariaqalermata.

Tupinnartorsuarisassaangilarlu taamaammatt Ilulissat kisiinnaalluunniit eqqarsaatigissangaanni ukiuminaarsuit iluani ukiut 20-it matuma siorna amerlassuserisimasaanniit affarinngisaanilluunniit maanna amerlassuseqarmata.

Takornariaqarnikkut qimussiussinermi maanna ajornartorsiut ataasiinnaasoq ilisimaneqarpoq, tassalu aalisarnermiik akilersinnaanginnerummat qimussiussinissaq sallinneqakkajunneq ajorpoq, malitseqalersarlunilu qimussiussisussaaleqqajaajuarnermik.

KNQK aaliangersaasimanermini paasinartumik suli aningaasalersorneqartariaqarnini erseqqissarpaa. Tassami Avannaata Qimussersua ingerlanneqartillugu qanoq inuiaqatigiittut kateriffigitigisarneripputtaaq takussutissaasarmat, inooriaatsitsinnilu qanga siulitta periusitoqarisimasaannit kingornussat pingaarnarpaat ilagingaat taaneqarsinnaalluni. Iju, iju. Ili,ili, oqaatsit taakkuinnaalluunniit tusarneqartillugit kitaata qeqqaniik avannamut ilisarineqarsinnaajuaannarput, naleqartitassat tammattaaliortarissat ilaat pingaaruteqaqisut. Qimmit qimuttut nunatsinni illersungaanerat suli annerusariaqarpoq, akusaanngilluinnarnissaallu pisariaqarluninarniluni qimmip silaqassusaanut innarliisinnaaqimmat, qimuttutut ukiorpassuarni ineriartorsimasooq nunatsinni innarlerneqassammat. Taamaattumik pisariaqarpoq akusaasinnaasunut ima sakkortutigisumik inatsiseqartariaqartoq, allaat qimmimik piginnittuusooq akuersiteqqaanngikkaluarlugu engertumik qimmit akusaasut toqunneqarnianngippata qaasuitsup killeqarfiata kujataanut aallarunneqassasut, allanut akulerutilersinnangit. KNQK nunatsinni qimussimik sukkammiunnermik ingerlatsisitsisarnera tapersersorneqartuaannartariaqarpoq



annertusarneqaqqittuartariaqarlunilu, pisariaqarpallu allaat immikkut aningaasaqarnermut inatsimmi ilaasinneqalertariaqarpoq ukiumut aningaasaliissutit qaffarujussuarlugittaaq, isumalioqatigiisitsarsuit assigiinnigitsut, soorlu tunngaviusumik inatsisissamut tunngasut utaqqisillugit nunatsinni pingaarnert ukkatariniartigit aningaasalertarissat ulluinnarni inuunitsinnut tamarmut kalluaasut.

Taamatut Atassummiik oqaaseqarluta siunnersuut tamakkiisumik taperserparput.